



Fotoam-bavaka 20 aprily 2020

Mitarika : Pst Elysée Andriamiandra

Fiarahabana : Amin'ny anaran'ny Ray sy ny Zanaka ary ny Fanahy Masina.
Amena.

Ho aminareo anie ny fahasovana sy ny fiadanana avy amin'Andriamanitra Ray sy Jesosy Kristy Tompontosika.

Hira chorale

Vavaka ataon'ny mpitarika

Lohahevitra : **NY VAVAKA AO ANATY FITSAPANA.**
(la prière dans les épreuves)

Hira : 241 :1,4 Ry Jeso ô, midina.

Vakiteny 1. NEHEMIA 1.1-4

1 Ny tantaran' i Nehemia, zanak' i Hakalia. Tamin' ny volana Kisleo tamin' ny taona faharoa-polo, raha tany an-dapa any Sosana aho, 2 dia tonga Hanany, anankiray amin' ny rahalahiko, mbamin' ny lehilahy sasany avy tany Joda; ary nanontaniako azy ny amin' ny Jiosy efa afaka, izay sisa tamin' ny fahababoana, ary ny amin' i Jerosalema. 3 Ka hoy no navaliny ahy: Ny sisa tamin' ny fahababoana izay any amin' ny tany any dia mitondra fahoriana be sy latsa; ary voarodana ny mandan' i Jerosalema sady nodoran' ny afo ny vavahadiny.

4 Ary rehefa nandre izany teny izany aho, dia nipetraka nitomany sady niferinaina andro maro ary nifady hanina sy nivavaka teo anatrehan' Andriamanitry ny lanitra

Vavaka natosiky ny fo onena.

Hira : 241.2,3 Ry Jeso ! hamasino.

Vavaka ataon'ny Mpitarika :

Vakiteny 2. NEHEMIA 1.4-5

*4 Ary rehefa nandre izany teny izany aho, dia nipetraka nitomany sady niferinaina andro maro ary nifady hanina sy nivavaka teo anatrehan' Andriamanitry ny lanitra
5 ka nanao hoe: Indrisy! ry Jehovah, Andriamanitry ny lanitra, Andriamanitra lehibe sy mahatahotra, Izay mitandrina fanekena sy famindrampo amin' izay tia Azy sy mitandrina ny didiny,*

Hira : 194 :1,2,3 Andriananahary ô, endrey ny voninahitrao.

Vavaka ataon'ny fianakaviana :

Midera an'Andriamanitra, noho ny fahalehibiazany, noho ny asany, noho ny fitiavany. Mangataka mba homen'Andriamanitra fo mitady Azy, omeny fanahy mahay misaotra sy manome voninahitra Azy mandrakariva, eny fa na dia ao anaty fitsapana aza.

Vavaka ataon'ny Mpitarika :

Vakiteny 3. NEHEMIA 1.6-7

6 aoka hihaino ny sofinao ary hihiratra ny masonao, mba hohenoinao ny vavaky ny mpanomponao, izay ataoko eto anatrehanao ankehitriny andro aman' alina ho an' ny Zanak' Isiraely mpanomponao sy izay anekeko ny fahotan' ny Zanak' Isiraely, izay efa nanotanay taminao; fa izaho sy ny mpianakavin-draiko dia samy efa nanota avokoa.⁷ Efa nanao izay ratsy indrindra taminao izahay ka tsy nitandrina ny didy, na ny lalàna, na ny fitsipika, izay nandidiana an' i Mosesy mpanomponao.

Hira : 470 :1,2,4 Ny foko, ry Mpamonjy.

Vavaka ataon'ny fianakaviana : Mifona ho antsika isika noho ny tsy nahatanterahantsika mandrakariva izay nandrasan'ny Tompo tamintsika, mifona ho an'izao tontolo izao, mifona ho an'ny firenena, mifona ho an'ny mpitondra, ho an'ny mpino sy ny Fiangonana.

Vavaka ataon'ny Mpitarika :

Vakiteny 4. NEHEMIA 1.8-11

8 Hotsarovanao anie ilay teny nandidiana an' i Mosesy mpanomponao hoe: Raha manao izay mahadiso hianareo, dia hampielay anareo any amin' ny firenena maro Aho; 9 nefa raha miverina amiko kosa hianareo ka mitandrina ny didiko sy mankatò azy, na dia hisy voaroaka hatrany am-paravodilanitra aza hianareo, dia avy any no hanangonako azy, ka ho entiko ho ao amin' ny fitoerana izay nofidiko hampitoerako ny anarako izy. 10 Ary ireo dia mpanomponao sy olonao, izay navotanao tamin' ny herinao lehibe sy ny tananao mahery. 11 Koa mitarina aminao aho, ry Jehovah ô, mihainoa ny fivavaky ny mpanomponao sy ny fivavaky ny mpanomponao rehetra izay faly amin' ny fahatahorana ny anaranao; ary hambinina anie ny mpanomponao anio, ary aoka hahazo famindrampo eo imason' io lehilahy io aho. Fa mpitondra kapoaky ny mpanjaka aho.

Hira : FF24 :1 Miaingà, mazotoa

Vavaka ataon'ny fianakaviana : Mivavaka manolona izao valan'aretina izao isika,

- mba hiainoan'Andriamanitra ny vavak'izay rehetra mitondra eo aminy izao seho izao, ka hiasan'Andriamanitra hamongorany izany amin'ny fotoany,
- ho an'ny mpitsabo sy ny mpikaroka,
- ho an'ny mpitondra fanjakana,
- ho an'ireo marary, ho an'ireo mbola tsy voa,
- ho an'ny kristiana sy ny Fiangonana mba ho vavolombelon'ny fitiavan'Andriamanitra manoloana izao fisedrana mahamay izao,
- ho an'i Frantsa sy Madagasikara manokana.

Vavaka ataon'ny Mpitarika faranana amin'ny Vavaka nampianarin'ny Tompo:

Fehiny : Filipiana 4.6-7

" Aza manahy na inona na inona; fa aoka ny fivavahana sy ny fifonana mbamin' ny fisaorana no ho entinareo manambara ny fangatahanareo amin' Andriamanitra amin' ny zavatra rehetra. Ary ny fiadanan' Andriamanitra, izay mihoatra noho ny fahalalana rehetra, hiaro ny fonareo sy ny hevitrareo ao amin' i Kristy Jesosy."

Tsodrano : (1Tes.5.23)

"Ary Andriamanitry ny fiadanana anie hahamasina anareo samy ho tanteraka, ka aoka harovana avokoa ny fanahinareo sy ny ainareo ary ny tenanareo ho tanteraka ka tsy hanantsiny amin' ny fihavian' i Jesosy Kristy Tompontsika." ; mahatoky ilay niantso anareo, Izy hahatanteraka izany amin'izay matoky Azy. Amena.